



The Project is funded
by the European Union



Visoko sudsko i tužilačko vijeće Bosne i Hercegovine
Visoko sudbeno i tužilačko vijeće Bosne i Hercegovine
Високи судски и тужилачки савјет Босне и Херцеговине
High Judicial and Prosecutorial Council of Bosnia and Herzegovina



Pravda u fokusu:

Podrška efikasnijem, transparentnijem i odgovornijem pravosuđu u BiH

Vrijednost projekta	EUR 1,499,850.30
Donator	Evropska unija
Trajanje implementacije	septembar 2025. - septembar 2026.
Implementator projekta	Visoko sudsko i tužilačko vijeće BiH

Opis projekta:

Projekat „Pravda u fokusu“ pruža podršku Visokom sudskom i tužilačkom vijeću Bosne i Hercegovine u usklađivanju pravosudnog sistema Bosne i Hercegovine sa pravnom tečevinom Evropske unije i važećim evropskim standardima, uz istovremeno unapređenje njegove efikasnosti, transparentnosti i odgovornosti.

Nastavljajući prethodnu podršku Evropske unije, projekat odgovara na potrebu daljeg unapređenja upravljanja sudovima, jačanja kapaciteta tužilaštava za rad na složenim predmetima, unapređenja mehanizama integriteta i odgovornosti, te osiguravanja sigurnih i pouzdanih informaciono-komunikacionih sistema u pravosuđu.

Projekat je usmjeren na pravosudne institucije širom Bosne i Hercegovine i organizovan je kroz četiri ključne komponente: sudovi, tužilaštva, integritet i IKT.

U praktičnom smislu, projekat je usmjeren na:

- **Sudovi:** jačanje strateškog planiranja u sudovima, redovni pregled programa rada, obuku sudija koji se prijavljuju za pozicije predsjednika sudova, te bolje uključivanje infrastrukturnih potreba i uslova rada u planske dokumente sudova.
- **Tužilaštva:** podrška tužilaštvima u radu na složenim predmetima privrednog kriminala, korupcije i organizovanog kriminala, kroz angažman ekonomskih savjetnika, podršku na konkretnim predmetima, mentorstvo i specijalističke obuke.
- **Integritet:** podrška unapređenju efikasnosti i transparentnosti disciplinskih postupaka, izrada i objava sažetaka disciplinskih postupaka, te uspostava i popunjavanje baze anonimiziranih disciplinskih odluka, uz jačanje mehanizama za sprječavanje sukoba interesa.
- **IKT:** kontinuirano unapređenje sistema za upravljanje predmetima (CMS/TCMS), sistema za obradu predmeta male vrijednosti (SOKOP) i sistema za upravljanje ljudskim resursima (HRMIS), šira primjena modula za lične podatke u pravosudnim institucijama, te održavanje sigurnih i pouzdanih IKT usluga u skladu sa ISO standardima informacione sigurnosti.



The Project is funded
by the European Union



Visoko sudsko i tužilačko vijeće Bosne i Hercegovine
Visoko sudbeno i tužiteljsko vijeće Bosne i Hercegovine
Високи судски и тужилачки савјет Босне и Херцеговине
High Judicial and Prosecutorial Council of Bosnia and Herzegovina



Očekivani rezultati projekta:

- ✓ Ojačano upravljanje i rukovođenje sudovima, kroz direktnu podršku predsjednicima sudova u strateškom planiranju i obuku sudija za izradu programa rada za rukovodne pozicije.
- ✓ Unaprijeđeno strateško planiranje i praćenje realizacije u sudovima, kroz analizu implementacije strateških ciljeva i podršku sudovima u izradi i ažuriranju strateških planova i godišnjih programa rada.
- ✓ Unaprijeđeni kapaciteti tužilaštava za rad na složenim predmetima privrednog, organizovanog kriminala i korupcije, kroz angažman ekonomskih savjetnika i direktnu podršku na predmetima.
- ✓ Unaprijeđena znanja i vještine tužilaca, kroz ciljne obuke, mentorstvo i praktičnu podršku u radu na složenim predmetima.
- ✓ Povećana transparentnost i dosljednost disciplinske prakse, kroz anonimizaciju disciplinskih odluka i njihov unos u javno dostupnu bazu podataka.
- ✓ Ojačana odgovornost nosilaca pravosudnih funkcija, kroz izradu i objavu sažetaka disciplinskih postupaka, čime se unapređuje informisanost javnosti o vrstama povreda i izrečenim disciplinskim mjerama.
- ✓ Unaprijeđena efikasnost i pouzdanost pravosudnih informacionih sistema, kroz nadogradnje sistema, uvođenje novih funkcionalnosti (uključujući elektronske usluge za korisnike) i kontinuiranu podršku korisnicima.
- ✓ Održan visok nivo performansi sistema i unaprijeđena informaciona sigurnost, kroz kontinuirano rješavanje velikog broja korisničkih zahtjeva, održavanje visoke dostupnosti sistema i uvođenje dodatnih sigurnosnih mjera i internih revizija u skladu sa međunarodnim ISO standardima.

Kontakti:

Ivana Zovko-Planinić
Direktorica Sekretarijata VSTV-a BiH
Tel: +387 (0)33 707 501
E-mail: ivana.zovkoplaninic@pravosudje.ba

Meriton Pajaziti
Viši projektni koordinator
Tel: +387 (0)33 704 623
E-mail: meriton.pajaziti@pravosudje.ba